



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia


Ab anno CCCXIV. ad annum CCCXLVI.

Parisiis, 1644

Epistola Constantini Avg. ad Vicarium Africæ, vt Arelatem ad Concilium ire iubeat partes inter quas erat controuersia. Constantinvs Avgvstvs Aelafio.

urn:nbn:de:hbz:466:1-15072

Acta Silvestri Papæ germana & authentica , a Græcorum corruptelis expurgata , summatim descripta , vide in epistola prima Hadriani Papæ I. ad Constantimum & Irenem imperatores : & epistola tertia eiusdem Hadriani , ad Carolum regem Francorum. Quibus locis quibusque temporibus eadem Acta per impostores Græcos corrupta fuerint , vide infra in Notis ad edictum Constantini imperatoris , cui eadem Acta inserta leguntur.



CONCILIVM ARELATENSE I.

CONSTANTINI MAGNI IVSSV IN
Cæciliiani & Donatistarum causa ^b celebratum Volusiano & Anniano coss. anno Christi CCCXIV. Silvestri Papæ primo , Constantini eiusdem Augusti nono , cum Marinus eius vrbis esset Episcopus.

*EPISTOLA CONSTANTINI AVG.
ad Vicarium Africæ , ut Arelatem ad Concilium
ire inbeat partes inter quas erat
controversia.*

CONSTANTINVS AVGUSTVS ÆLAFIO.

IAM quidem antehac , cum perlatum fuisset ad scientiam meam , apud Africam nostram plures vesano furore vanis criminationibus contra se inuicem super obseruantia sanctissimæ fidei Catholicæ dissidere coepisse , dirimenda dissensionis huiusmodi causa placuerat mihi , vt ad vrbem Romam tam Cæcilianus Carthaginensis Episcopus , contra quem vel maxime vniuersi saepe me conuerterant , quam etiam aliqui ex his , qui ei quædam obicienda crediderant , præsentiam sui exhiberent . Nam etiam ad supradictam vrbem nostram Romam quosdam Episcopos ex Galliis ire præceperam ; vt tam hi pro integritate vitæ suæ , atque laudabili instituto , sed & septem eiusdem communionis , quam etiam vrbis Romæ Episcopus , atque illi qui cum iisdem cognoscerent , possent rei quæ videbatur esse commota , finem debitum adhibere . Qui quidem ea quæcumque in præsentia eorum fuerunt gesta , cuncta ad scientiam meam etiam actis habitis retule-

^{ANNO}
^{314.} CHRISTI runt; verbo insuper affirmantes, quod iudicium suum pro rerum fuisse æquitate depromptum: eosque potius causæ obnoxios esse dicentes, qui cōtra Cæcilianum quædam putauerunt commouere. adeo vt istud post iudicium habitum Africam ipsos remeasse perhiberent. Inde propter hæc omnia probabili rerum aestimatione speraueram, quod omnibus omnino seditionibus & contentionibus, quæ ab iis hominibus videbantur subito commotæ, finis debitus fuisse impositus. Sed cum dictationis tuæ scripta legiſsem, quæ ad Nicasium & ceteros super hisdem simulationibus grauitas tua mittenda crediderat, euidenter agnoui, quod neque respectum salutis suæ, neque, quod est maius, Dei omnipotentis venerationem ante oculos suos velint ponere. Siquidem ea agere persistant, quæ non modo ad ipsorum dedecus infamiamque pertineant, sed etiam his hominibus detrahendi dent facultatem, qui longe ab huiusmodi sanctissima obseruantia sensus suos noscuntur auertere. Nam id quoque te scire conuenit, quod ex hisdem venerunt, afferentes quod minus dignus idem Cæcilianus cultu sanctissimæ religionis habetur. Et contra id quod iisdem responderam, frustra eos id iactare, quippe cum res fuisse apud urbem Romanam ab idoneis ac probatissimis viris Episcopis terminata, obnixe ac pertinaciter respondendum æstimauerunt, quod eorum omnis causa non fuisse audita; sed potius idem Episcopi quodam loco se clausissent, & prout ipsis aptum fuerat, iudicassent. Quare cum hæc tot & tanta nimium obnixas dissensiones protrahere peruiderem, ita vt nullomodo finis iisdem dari posse videretur, nisi & Cæcilianus idem, & ex his qui contra eum diffident, tres aliqui in iudicium eorum, qui cum Cæciliiano sentiunt consensumque debent, ad Arelatense oppidum venerint: iniungendum solertiae tuæ duxi, vt mox has literas meas acceperis, cum Cæcilianum supradietum, cum aliquibus ex his quos ipse delegerit; (sed & de Byzacena, Tripolitanæ, Numidiarum, & Mauritaniarū prouinciis, singuli qui que aliquantos ex suis perducere debebunt, quos ipsi putauerint eligendos) sed etiam aliquos ex his qui contra eumdem Cæcilianū dissentient, data euēctione publica, per Africam & Mauritaniam, inde ad Hispanias breui

tractu facias nauigare. Et inde nihilominus his in singulis
Episcopis singulas tractorias tribuas, vt ipsi ad supradic-
tum locum intra diem Kalendarum Augustarum possint
peruenire: celeriter intimaturus iisdem, vt antequam
profiscantur, debeant disponere, quatenus absentibus
ipsis & disciplina competens habeatur, & nulla forte se-
ditio, vel aliquorum altercatio, quæ ad maximum dede-
cusspectet, oriatur. De cetero plena cognitione suscepta
finis adhibeatur. Quia cum praesentiam sui exhibuerint,
vniuersa quæ nunc in contentione esse noscuntur, non im-
merito finem debet accipere maturum, vt protinus possint
terminari atque componi. Nam cum apud me certum sit,
te quoque Dei summi esse cultorem, confiteor grauitati
tuæ, quod nequaquam fas esse ducam, vt eiusmodi con-
tentiones & altercationes dissimulentur a nobis, ex qui-
bus forsitan commoueri possit summa diuinitas, non so-
lum contra humanum genus, sed etiam in meipsum, cu-
ius curæ nutu suo cælesti terrena omnia moderanda com-
misit, vt secus aliquid haec tenus incitata decernat. Tunc
enim reuera & plenissime potero esse securus, & semper
de promptissima benevolentia potentissimi Dei prosper-
rima & optima quæque sperare, cum vniuersos sensero
debito cultu catholicæ religionis sanctissimum Deum
concordis obseruantia fraternitatis venerari.

*Exemplum alterius epistolæ Constantini ad Episco-
pum Syracusanum, vt cum duobus aliis perget
ad Concilium Arelatense.*

Ex Græca eius interpretatione, quæ apud Eusebium extat lib. x.
Historiæ Ecclesiæ. C. V.

*CONSTANTINVS AVGVSTVS CHRESTO
Episcopo Syracusano.*

IAM quidem & antea, cum quidam improbo ac peruer-
so studio de sancti cælestisque numinis cultu & fide ca-
tholica dissidere coepissent, ad resecandas illorum huius-
modi contentiones ita constitueram, vt missis aliquot e
Gallia Episcopis, tum aduenire iussis ab Africa iis, qui di-
uersarum